

四庫全書

史部

欽定四庫全書

史部

欽定南巡盛典卷四十一

詳校官編修臣汪鏞

欽定四庫全書

欽定南巡盛典卷四十一

河防

乾隆二十三年正月初一日夢麟尹繼善白鍾山  
嵇璜陳宏謀奏言竊惟淮揚徐海等屬大興水利  
應修滙湖通江歸海之幹支各河僭辦完竣現今  
另摺恭

奏外臣等於週歷各屬查催工程之便復留心遍加

察勘博採輿情各州縣已辦幹支各河而外尚有  
宣洩民田積水通支連幹之河渠併有逼近湖蕩  
支分派別之汊港秋間查勘之際祇因盈潦佔蓋  
高下難分一時未能併勘入

奏今當冬深水落各處情形皆已畢現內有水道貫  
通儘堪宣導者固可毋庸疏濬其淤墊阻礙之處  
若不併為經理則上下脈絡猶未貫通臣等公同  
籌酌必須及時修治層層導引處處通達務使一

律條暢庶為全體周備隨經督同道府選帶熟練  
人員復加相度悉心履勘如碭山縣境內之華家  
溝河碭山蕭縣二境之周家莊河年久淤墊亟應  
續辦又碭山蕭縣二境之減水河係接洩河南永  
城縣坡水現據永城縣詳請疏濬亦應估辦又蕭  
縣之龍山河小鹽河洪河銅山蕭縣境內之望州  
河銅山靈璧境內房村河睢寧縣之龍家河白馬  
河宿遷縣之縣東河南岸蔡家河李家莊民便河

桃源縣之九龍潭河大成河清河縣之響水河清  
河安東境內之澗河山陽縣之溫山河潯河阜寧  
縣之被澤河曹溝河窑頭支河楊家河太平河海  
州之王家溝河薔薇河沐陽縣之柴米河贛榆縣  
之大沙河園子河共計二十餘處或通身淤淺或  
間段阻塞均宜分段疏浚舊有開洞量加修葺  
等仰體我

皇上懷保黎元恩加無已之至意現在督同道府等員

詳悉估計一面派員領帑興挑價辦臣等仍往來督察期於來年三月以前普律完竣統俟奉

旨允准一併確估具

題至田間溝洫應歸民力自辦者應查照從前臣尹

繼善原奏悉心董率立定章程次第經理奏入報

可

乾隆二十三年正月二十二日直隸總督方觀承河道總督張師載山東巡撫阿爾泰奏言竊照東

省運河蒙

聖明指示機宜今將徒駭馬類老黃河等處相度歸海之路經臣方觀承會同前任山東撫臣鶴年酌籌  
疏濬事宜恭摺具

奏並聲請俟水勢消退之後再行履勘分別工程難  
易或勸用民力或動帑興修妥協辦理等情欽奉  
硃批俞允續經前任山東撫臣鶴年等將運河開壩應  
行落低及暫從緩辦之處奏蒙

聖鑒茲臣方觀承復會同臣張師載臣阿爾泰覆加等

度除龍灣魏灣應照原奏辦理外其四女寺壩工  
臣等親加查驗將河身逐段探量惟壩口六十丈  
迴流冲刷水深丈餘其上河身探至四五里外皆  
祇水深七尺二三寸不等是此壩底自可毋庸再  
行落低以致宣洩太過其壩外老黃河分屬直東  
兩省計長九十八里節年淤沮不能暢注今應大  
加挑濬合之迤北哨馬營石壩面寬三十丈壩外

減河又復通暢即遇盛漲有此兩路足資宣洩如有改易情形臣等仍隨時酌量

奏明辦理務使壩面高不至於漲阻低不至於溢運  
以仰副

聖主念切民依諄切訓示之至意至於徒駭馬頰老黃  
河應行挑挖工段臣等先經派委兩省道府大員  
逐段確估茲復公同酌議徒駭一河全在東省境  
內河身大槩深通惟葦草盤結之處甚多掛淤阻

水亟需剷除直隸南皮縣屬老黃河內亦有之通  
計長二萬三千餘丈若按蘆根方定例給價費帑  
不下數萬兩查蘆根可作柴薪今令沿河州縣勸  
諭附近村民剷挖任其取携期於淨盡據各州縣  
皆稱爲民所樂從又各河身內間段淤淺及土埂  
流沙易於爲力之處兩省均可勸用民力毋庸議  
請動帑外其餘各工如東省馬頰河頭十八里上  
承四道引河之水不能容納亟應挑濬寬深於兩

岸各展寬一丈河身加深四五尺又通河及河尾  
入海窄狹之處共二十段長三千六百九十餘丈  
應於兩岸各展寬一丈以暢尾閘又老黃河分減  
哨馬營四女寺兩壩之水盤折直東兩省自東省  
四女寺壩口起至直隸吳橋縣交界止計引河長  
十二里老黃河長四十六里均應挑面寬四丈底  
寬二丈深四五尺不等即以所挑之土培築堤堰  
又四女寺滾壩雁翅石牆坍塌應行拆修又德州

三十里鋪大橋橫亘於高埂之上應照原奏落低  
又哨馬營壩外引河並歸入老黃河河頭處所淤  
淺均應挑濬直隸自吳橋縣交界之嚴家莊至玉  
泉莊老黃河長四十餘里應如東省一律加挑面  
寬四丈底寬二丈深三尺至六七尺不等又南皮  
縣境內馮家口淤灘長四十丈應挑抽河槽一道  
底面拆寬二丈深三尺又自霍家園起至姚家口  
並下游一帶水勢散漫已無河身計共應挑二千

一百餘丈面寬八丈底寬四丈深三四尺不等並將  
各支流堵築使水勢直趨以收用水攻沙之益以  
上工程均非民力所能充役應動項催用夫工辦  
理每土一方照例給銀七分計東省馬頰河展寬  
挑深土工約估需銀二千九百九十餘兩四女寺  
滾壩石塘雁翅德州橋座哨馬營引河等工約估  
需銀一千二百九十一兩自四女寺壩口至吳橋  
縣界老黃河土工約估需銀五千一百三十二兩

共約需銀九千四百餘兩直隸境內老黃河土工  
約估需銀六千八百餘兩再各河身內橋座共三  
十二處有應照原議於攔河土埂添建橋空酌用  
荆葦銀裹以暢水道者有應行展寬以便行旅者  
均可勸用民力毋庸動帑致多糜費如此籌辦則  
運河減洩之水皆得由壩口分導入海而黃河馬  
頭徒駭三河以南又張秋八里廟滾壩及三空五  
空橋洩水入大清河歸海即遇歲漲之年當不致

泛溢而減河俱已一律深通亦無漫及民田之慮  
矣時值春融於冰泮後水漸消涸臣等即督率委  
員並地方官開工儼辦速竣仍責成道府大員往  
來巡查務使工歸實用仍於工竣之後另議善後  
事宜俾垂永久再查海豐境內佯沽橋有王家堰  
一道原議拆毀分流今覆勘形勢西高東下現議  
將洋沽橋止疏濬深通尾閘已暢毋庸再拆民堰  
合併陳明除分飭造具估冊送部並直隸工需即

即於天津道要工項下動用分別支銷歸款奏入  
得

旨如所議實力為之

乾隆二十三年二月初二日 裘曰修張師載阿爾泰  
奏言竊臣 裘曰修等於上年九月奏辦兗沂曹各  
府水利一摺奉

硃批覽奏俱悉朕正慮及沂州府屬每被水災摺內有  
疏通駱馬湖之語宜速行妥協相度欽此 臣等查駱

馬湖下游已增入下江水道工程案內辦理外所有沂屬被災處所應行疏濬之處先經前撫臣鶚年及臣等先後飭委陞任充沂曹道徐鐸護理充沂曹道唐倚衡詳細確查茲據該道等逐一勘丈繪圖議覆臣等查沂屬蘭郟二縣地處最窪西南尤甚平常雨水之年鄰境方稱需足該處即多被淹又因沂河上承臨朐沂水諸山河之水兼有汶祊洙及柳青等河合流下注每遇水發盈堤拍岸

泛溢河西之武河燕子芙蓉等河以至各河不能  
容納瀰漫坡田甚為民患乾隆十三年經原任大  
學士高斌等奏請動帑修築沂河西岸長堤更慮  
水勢異漲正河不能容納又於沂河兩岸之江風  
口建砌迎水滾水各壩藉以分水洩入武河自建  
壩以後沂河異漲稍除歷今十載迎水壩石盡被  
沙埋滾水石壩刷坍已甚其由壩口洩入武河之  
支河二十餘里亦俱淤墊武河正流間有沙淤不

能下注臣等查勘情形係急應修濬之工今會同酌議應將江風口碎石滾水壩連金門修整一百八十丈該壩東西兩頭舊有冲刷河形俱應填平并於壩側築堤一百八十丈其壩外支河二十二里零及武河沙淤處所應一併挑挖寬深工程極為緊要又江風口壩外有陷泥河一道武河之西有燕子河一道南流六十餘里由邳州歸武河入運又西有芙蓉河一道南流八十餘里由邳州歸

運以上三河乾隆十三年奏准請修江風口建壩  
之後再勘水勢情形相機辦理今查勘河身淤淺  
不能暢流應將狹窄淤塞處所逐段開挖寬深臣  
等酌量工程難易將多須動帑之工撙節估計仰  
懇

天恩將挑挖江風口壩外支河等工照河工土方成例  
每方給銀八分一厘其陷泥燕子芙蓉三河工段  
綿長通塞相間民力易辦應請照以工代賑之例

酌給食米錢文令蘭鄆二縣賑後災黎就工謀食  
通計修壩挑河築堤約需銀二萬五千餘兩其餘  
蘭鄆境內一切河道現俱通暢即支河小港間有  
淤淺之處應於農隙之時勸用民力一律修治毋  
庸動帑至下游與江南邳州接壤之處查下江工  
程案內已經列入現在仍一面知會務期上下通  
流而無歧悞如此籌辦是沂河入駱馬湖之正支  
既經濬治又有江風口滾壩以分其流而西岸緊

要各河又復疏通民田坡水各有去路實與蘭郊  
二縣水利有益奏入得

旨如議速行

乾隆二十三年二月初十日尹繼善白鍾山嵇璜  
高晉奏言竊查上江河南興舉水利各河滙注下  
游則高寶邵伯諸湖受水更多誠如

聖訓亟宜廣求去路以為宣導之計惟是湖河水勢歸  
海遠而歸江近歸海紆迴而歸江順便江都所屬

之芒稻閘壩實湖河諸水歸江第一尾閘若使長  
年啟放俾諸湖積水暢洩歸江於冬春水落時早  
為騰空以備伏秋容納之地則高郵南關車邏二  
壩自然過水無多而下河各州縣可免淹漫之虞  
此實拯治下河之要鍵無如芒稻一河乃淮南鹽  
艘必由之路當河工急需洩水之時正鹽艘盛行  
趲掣之候若將芒稻閘版徹底啟放則溜勢湍急  
鹽船難以挽繹竊恐有礙鹽運若因此全行堵閉

則湖河水無去路必致壅積為災伏惟江南諸省  
水患頻仍仰蒙我

皇上軫念民瘼指示機宜大興水利現在上下支幹各  
河均已逐一開挑節節疏導而芒稻河為歸江喫

緊尾閘更宜亟為講求妥協方與全局有裨

臣尹

繼善

臣

嵇璜會同

臣

高晉前往查勘芒稻河自西

北直趨東南而灣頭河則自西南至東北橫亘其  
間所有運河東岸之金灣東灣鳳凰壁虎灣頭等

開壩減洩之水皆直趨芒稻閘及董家溝石羊溝  
廖家溝各滾壩歸江鹽船素由灣頭河行走必須  
閘門下板各壩堵閉方資浮送所以芒稻閘壩不  
能啟放合宜臣等再四籌畫查芒稻閘迤東現有  
舊越河一道應令鹽船由越河直走金灣北閘不  
繞芒稻閘出灣頭則洩水運鹽分為兩途芒稻閘  
可以長年啟放董家溝石羊溝廖家溝皆可不必  
封閉庶使湖河之水暢洩歸江實於水利有益第

查越河長六百餘丈臣等測量水勢甚覺淤淺應再挑深五六尺一律深通以利適行又查金灣北閘閘底尚高改低二尺四寸以便鹽船挽運如遇水勢過小之年再行相機辦理如此則歸江尾閘無所壅遏諸湖積水得以通相灌輸不致滙積為患矣臣等一面飭令鹽運使盧見曾淮揚道何燭等確估委員辦理勒限二月內完工奏入報

聞

乾隆二十三年三月十二日嵇璜奏曰修夢麟尹

繼善白鍾山奏言竊臣等按准

廷寄陞任撫臣陳宏謀敬陳河工未盡事宜一摺欽

奉

硃批此奏著交裘曰修夢麟會同尹繼善等詳議速奏

欽此查江省淮揚徐海鳳潁泗等屬瀕臨湖河疊

罹水患蒙我

皇上誠殷懷保全切痼瘼上年

鑒輅南巡指示機宜

特命臣等多方疏導不惜千萬帑金為億兆黎元籌久遠安全之計

仁恩普被利賴無窮臣等恪遵

聖訓黽勉辦理現在興舉各工將次告成凡將來善後事宜無不仰體

宸衷加意講求期於地方生民永遠有益今據陳宏謀具奏各條多係臣等公同籌畫曾經面商者因一

時工程尚未完竣是以未經會奏茲欽遵

諭旨悉心詳籌再三討論謹就臣等所見逐條分晰議

奏伏祈

睿鑒一陳宏謀奏稱此次所挑之河已節節開通又復酌加寬深可期永資宣洩然必須年年挑浚方免日久淤塞淺阻請將所挑各河近黃運河者歸於河員經管隔遠無河員者令州縣及該地方同知佐貳經管分清界限每年秋後水落會同查勘有

淤淺者會同州縣分清段落酌派附近有田地民人合力挑濬年底將某河已經挑浚某河不須挑浚造冊報院院再委道府大員於春間覆勘結報有應挑浚而不挑浚者將經營各官揭叅此等年年挑浚之費照例田主給食佃戶出力果有大段阻塞及工大費重者詳明估計題明動帑辦理堤閘損壞改建另築者照此一律分別辦理等語查江南為衆水滙歸之地必須河道寬深庶足以資宣洩

此番大工興舉雖已處處疏通然不能保其日久  
不仍淤淺應照陳宏謀所奏再加妥酌將所挑各  
河關係黃運宣洩者歸於河員經管關係民間水  
利者令州縣及該地方佐貳經管分清界限於每  
歲秋冬水落之時詳加查勘造冊通報有淤微淤  
塞者即酌派附近有田民人照業食佃力之例自  
行挑濬總責成該管道府遍歷稽查報明督撫督  
率妥辦如有應挑浚而不挑浚者將該管各員叅

處其有工大費重不能槩用民力及堤閘損壞改建另築者詳請估題動帑辦理如此則逐年挑浚既不至日久淤塞大費帑金而官民皆有責成庶使遵循罔懈至如何分清界限責令經營之處現行各司道妥議統俟工程全竣即行具

題以定章程一據陳宏謀奏稱地方廣濶新挑之河止能洩近河之水其不及洩之水尚多請俟今年河水通流之後督令民間自行開浚支河小溝以

達於所開之幹河小民見水有去路自必樂從再  
各處道路之旁原有小溝不甚通暢應於秋冬督  
率民人將境內路旁之溝挑深使之通達即以所  
挑之土平墊道路路漸高而溝漸深平地之水由  
道旁之溝以歸幹河田禾免淹行人稱便查各州  
縣地方廣濶現在所挑之河雖上下江通身合筭  
已有一百餘道其平時曠野離河稍遠不及洩水  
之地尚多應令民間自行陸續開挖小溝層層導

引由支達幹則雨水易消自可無虞壅積至各處  
道路之旁舊有小溝未免淤淺應於每歲秋冬督  
率附近民人挑浚即以所挑之土平墊道路路漸  
高而溝漸深兩旁附近之水俱可引入溝中滙流  
歸河既有益於民田亦甚便於行旅應如陳宏謀  
所奏辦理一據陳宏謀奏稱淮徐海等境內地土  
非盡瘠薄可以種植之地一望無際祇因河流未  
通一遇天雨是處瀰漫今幸河流疏通水有去路

尚宜各開溝洫以備旱潦卽以開溝之土加築圩  
圍妥砌涵洞隨時蓄洩以成圩田乾隆九年督臣  
尹繼善酌定圩圍溝洫條規奏請舉行彼時揚州  
之高寶等州縣淮安之山陽等縣所築圩田至今  
皆成膏腴已有成效因河流未盡通暢雖築圩圍  
水無去路仍被淹漫遂爾不肯多築圩圍今河水  
通流洩水比前大暢現在仍照尹繼善原奏開溝  
築圩次第經理惟是此等地方連災之後民力拮据

貧富不一難於合力築圩請自今年秋冬為始地方官相度地勢勸民築圩開溝有無力者仍照乾隆十一年河臣高斌等奏准借給銀兩助其飯食築成之後所借工本分三年還官查田間水道蓄洩攸資必須加意講求庶幾旱潦有備如濱河窪地向屬水田則以開溝之土加築圩圍使圩內之水可以車放即遇外河盛漲不致漫淹如係旱田只應多開溝洫不必槩築圩圍總期因地制宜經

理妥協臣尹繼善於前任兩江時曾經

奏明定有章程飭令淮揚等屬遵照現據淮安府詳  
議將溝洫圩圍規制一併核定通行淮揚徐海所  
屬實力遵辦即於今歲秋冬勸民開築其舊日圩  
圍有遭水坍廢者並令及時修補惟災地民力艱  
難不能一概自備工本應查明實在無力者准計  
每土一方酌借銀二分以資飯食畚鍤之費在於  
藩庫公項內動辦均作三年繳還歸款在百姓亦

屬樂從而於農田大有裨益第恐州縣不能實力  
奉行應令將每歲開溝若干築圩若干於春間造  
冊報明督撫委道府大員逐段查驗按其功過分  
別勸懲一據陳宏謀奏稱各河開通之後上游之  
水由高而下可以連層宣洩內有地處窪下平日  
原係湖蕩止能受水不能通流今雖開河節節相  
通若與去路地勢相平或更有仰盂倒漾之勢此  
必不能免於淹漫者非河流之不順實由外水高

於內河形如釜底地勢使然非人力所可強也請俟今年水過之後看其水勢宣洩如何果有必不能於於淹漫者將此等田地勘明頃畝減除糧賦有可種植葦草者改照蘆課輸納名曰棄地與水而仍為近水居民資生之計如水深不能種葦者另為設法安頓俾民免於失業再此等低窪之地現已開有小河一遇水落河仍通流倘得消涸稍旱仍可種植春麥每年得收一麥亦可資生仍不

致全棄查地勢各有高低水性總歸就下凡屬極窪地畝形如釜底之處實在止能受水難以縣令成田似不若讓地與水以為容納之區應如陳宏謀所奏俟今年水過之後察看水勢情形如有地勢極窪或原係湖蕩必不能免於淹漫者勘明頃畝減除糧賦聽民間種植葦草採取資生改照蘆課輸納惟蘆葦叢根盤結最易積淤凡有水勢通流之處不宜種葦者仍須禁止應令各隨地勢改

種菱芡之屬亦可稍資利益更不許築埂設斷阻碍水路至如實有不能種植之處歷來並無出產即遇水小天旱之年亦屬一片汪洋實與水沉田地無異似應據實詳題豁免錢糧如偶爾被水並非常年成災或水勢消落尚可種植處所不得一槩豁免所有原奏另為設法安頓之處應毋庸議一據陳宏謀奏稱黃河北岸自李家莊起至徐城之蘇家山計几十里向無堤岸迨後接築二十里尚

有七十里未曾築堤乾隆二十年孫家集漫口其  
渾水直趨微山等湖及荆山橋河淤成平地年來  
湖水不能宣洩銅山沛縣俱受淹漫其患皆由於  
此上年仰蒙

聖明洞鑒

特命侍郎夢麟等竭力開浚湖口之茶城小梁山荆山  
橋等河湖水得以暢流田地方始涸出自此以後  
黃水決不可再令東漫則黃河北岸不可再任無

堤利害已明臣恭聞此堤欽奉

上諭另行辦理今各河均已疏濬又徐城南岸已築石堤石堤之對岸有子房獅子等山為岸徐城可以無虞此七十里之河岸亟宜築堤以結通河全局查黃河自河南滎澤縣以下河道俱寬至四五百丈迨至徐州河道止有七十餘丈即徐州以下河身亦俱窄狹城郭田廬在在受險是以向來留此無堤之處聽其漫灘俾平槽之水悉走中泓則河

底日漸刷深可以順流歸海但北岸漫灘之水易  
於冲刷溝槽若不每年收拾恐漸致奪溜成河為  
患匪細上年曾奉

諭旨另行籌辦

臣

等前後至徐詳加察看上年花莊所

築之亂石壩已有間被沙淤者應請照

臣等前

奏量為加築所有溝槽俱補築亂石壩以資捍衛其  
餘地面築行接築之壩與舊有之民堰土壩一律  
相聯至地勢後窪敗落加築裏壩一道如格堤之

式俱謹遵

訓示務期堅實穩固使尋常漫灘之水至此即可停淤  
設遇水勢過大之年亦止壩上些微過水不得北  
趨成流而下游各工俱不致受險似此年年查勘  
料理漫灘之淤沙停積河岸日高而上下湖河均  
有裨益矣一據陳宏謀奏稱下河一帶民田以范  
公堤為捍衛此堤日久坍塌單薄殊甚愚民於水  
漲時希冀水由外洩輒挖破此堤洩水隨後雖經

補築不過取堤根之土虛鬆填滿又無夯礮現在  
缺口甚多堤身不過數尺倘遇海潮盛漲高寶鹽  
城各縣必受潮災此堤於目下似無關係而實經  
久捍衛不可廢棄之要工伏乞

皇上勅諭鹽臣勘明估計動項派員分段分年如式修  
築務期高寬堅築通體完固永資捍衛至於內地  
水漲勢須穿堤外洩業已層層建閘以時啟閉其  
鹽城迤北可以洩水歸海較順者河臣與督臣現

在開挖引河添建石閘臣亦就所見札商自此以後永禁挖堤放水具如何責成閘官分管保護亦聽河臣鹽臣商辦查范公堤原為下河一帶保障凡有坍塌殘缺之處自應補修堅築以禦海潮臣等現與鹽臣高恒會商酌議委員勘估具題動項辦理務使通體完固永資捍禦至鹽城天妃石碇白駒等閘現在上緊趕修各閘下引河俱經挑浚是遇水漲之時儘可由現在閘河宣洩歸海此外無

庸另添閘座至盜挖堤工原應禁止應如陳宏謀  
所奏嗣後永禁挖堤放水仍責成各閘官分管巡  
查加謹防護並令東臺同知及各地方官實力稽  
查以保堤工一據陳宏謀奏稱泰興如皋境內有  
窑子河老龍河龍游河年久淤塞淺阻從前地方  
官久請挑浚因派民修無力而止應請自如皋窑  
子河起接泰興之老龍河又開龍游河直達於江  
則雨水有所宣洩遇旱可資灌溉查如泰二邑境

內之龍游窑子老龍等河前據該處民人呈請挑  
挖經臣等委署常鎮道蘇凌阿江防同知王培宗  
帶同兩縣逐一履勘查得龍游河在如皋縣治之  
南紆迴曲折俗稱九十九灣河口寬四五六丈不  
等崖高七八九尺不等即大雨時行亦止水深四  
五尺兩崖甚高水勢長發即暢洩入江甚為便捷  
田畝不虞水漫至窑子河在如皋縣治之西自西  
門城濠起至泰興縣界止迤下即老龍河屬泰興

縣境內河形俱寬三四五丈不等崖高七八九尺  
不等即伏秋大雨亦止水深三四五尺從未淹及  
民田不致水虞為患稟覆臣等覆查龍游窑子老  
龍等河兩崖高亢地非低窪無虞淹漫且河面俱  
高於江面數尺內高外下宣洩甚易毋庸興挑即  
使動帑挑深而引江水內灌誠恐一日兩潮旋即  
淤墊徒費無益此條應毋庸議以上七條臣等逐  
一酌議意見均屬相同理合恭摺覆

奏是否有當伏乞

皇上訓示遵行再上下兩江水利事同一體如蒙

恩准其中有應行上江照辦者俟

命下之日並移咨安省撫臣遵照辦理再准工部咨議

覆御史吳鵬南條奏宜興水土之政一案今臣會

同經畫或疏通渠港或修理堰坡凡於農田水利

有益之處一體確勘造冊送部至地方承辦之員

作何定具殿最務使激勸有方及本鄉紳士慕義

急公情願捐資勦事者作何獎勵一併妥議到日再行議覆查淮揚徐海鳳潁泗等屬應行疏通河道挑浚溝渠以及修築圩圍等項臣等現於酌議陳宏謀條奏案內詳晰陳明令地方官於秋冬水落之時勘明督率民人業食佃力分別查辦應俟地方官勘明之後統歸彼案造冊送部毋庸重複再議至地方承辦之員如果實心愛民處處料理妥協著有成效者應請題明議叙仍照該御史所

奏嗣後保舉知府及卓異案內概行註明倘有漫  
不經心不行籌辦並無實效者即隨時查明叅處  
以昭勸懲其本鄉紳士除應行業食佃力自辦工  
段之外如有慕義急公情願捐資勸事者應請照  
樂善好施之例數在三百兩以上者題請分別議  
叙如在三百兩以下按其捐數多寡由督撫司道  
府州縣分別給匾獎勵合併陳明奏入

上諭曰議中黃河北岸築堤一事俟遲數年再看餘如

所議行

乾隆二十三年五月二十五日劉統勲奏曰修尹  
繼善白鍾山奏言乾隆二十三年四月三十日奉  
上諭據巡漕給事中海明奏稱東省水患由微山湖之  
漲溢而微山湖之漲溢由黃河北岸之內灌請於微  
山湖之南圍築攔黃堤工即以取土方塘挑成順堤河  
形導入荆山橋出猫兒窩入運並於內華山西建築  
通湖閘座以備宣洩等語具見悉心籌畫黃河由豫入

徐兩岸夾東河身甚狹不潰決為銅山諸邑害則漫  
衍而入於金鄉魚臺今徐城已增築石工足資捍禦  
而山東之濱湖州縣民舍田廬不免仍成巨浸孰非  
吾赤子而忍坐視果使民生永獲安全即多費帑金  
朕所不惜且年年蠲賑所費不更無已耶但是否實  
有裨於東省而於徐郡兩岸亦不致另生險工或究  
不如於北岸無堤處所接築堤工之為得計著尚書  
劉統勲馳驛前往會同尹繼善白鍾山逐加閱勘詳

等妥議請旨辦理夢麟表曰修如尚在河干著一併會  
同查辦欽此臣等伏查黃河北岸上年因慮漫水過  
多當將花莊溝槽築作碎石壩工本年春於議覆  
善後事宜案内又將各處土壩改填碎石並接築  
土堰臣等遵

旨節次查勘經理無非欲使黃水有所節制而又恐束  
之太驟致生他險也今海明請於微山湖之南圈  
築攔黃堤工並挑挖順堤引河導由荊山橋入運

是原為攔黃起見但攔之於微山湖邊不若攔之於黃河北岸恭讀

諭旨於北岸無堤處所接築堤工之為得計

聖謨廣遠洞悉機宜臣等所當欽遵辦理者也今勘得

黃村壩起至大谷山止計程六十里應築土堤長一萬五百餘丈高以六尺底寬八丈為率估需土方銀六萬餘兩其所築之堤相度地勢之高下與河形之紆直總以離河十里內外為度庶地面寬

濶得以平衍容納不致冲擊堤工其自大谷山至  
蘇家山計程二里許逼近河身恐生他險且兩山  
夾峙地勢高亢原可無庸築堤查舊有石壩基趾  
應行修整俾平常之水不致上灘縱遇異漲之時  
漫壩而過亦止由荆山橋迤下歸運該處相距微  
山湖四十餘里且在下游斷不致涓滴復入微山  
湖內如此通盤籌辦在東省既收保障之益而江  
省亦可無另生險工之虞矣所有議築堤工臣等

現在遴委委員發帑償辦務期迅速如式完竣以  
仰副

聖主慎重河防奠安民生之至意奏入得

旨如所議行

乾隆二十三年六月初九日吏部奏言內閣抄出  
安徽巡撫高晉奏稱竊照安省鳳潁泗各屬地當  
徐豫下游頻罹水患仰蒙我

皇上饑溺為懷痼瘼在抱上年

鑒輅重幸江南周覽形勢洞悉民隱不惜千百萬之帑  
金為民圖久安之至計

特命臣等詳加查勘相度妥籌自集事之始迨工完之日  
無時不上塵

聖懷無事不欽承

明訓臣等竭力同心恪遵辦理現在一切工程次第告  
成所有善後事宜臣復再四熟商悉心酌擬敬為  
我

皇上陳之一奏稱請定水利兼銜以專責成也查地方  
農田水利凡督撫藩司知府直隸州並州縣正印  
等官均為職分應辦之事責無旁貸惟是正印官  
事務殷繁不無顧此失彼若將守巡各道及同知  
通判州同州判等官兼以水利職銜協同正印官  
稽查辦理實為有裨現准部議調任河南布政使  
劉慥陳奏水利兼銜案內行令查議今臣查得上  
江現修河道均在廬鳳道所轄鳳潁泗三府州地

方請將廬鳳道並鳳陽府同知通判潁州府通判  
直隸泗州州同均兼水利職銜另行分別鑄給關  
防以重職守該道丞倅既經兼銜嗣後將所屬各  
州縣舊有河道並本年新修各河及堤堰橋閘即  
責成各該員協同地方官平時加意經理一至冬  
令水涸各於境內逐加查勘如有淤淺阻塞汕刷  
殘缺處所一面報明道府一面勸諭附近有業村  
民公平出夫修浚補築一律寬深堅實出結呈報

存案如或其中有工費浩繁民力不繼亦即據實  
詳請臣與督臣再加親勘酌籌請

旨辦理臣等留心查察如果各該道府丞倅州縣每年  
實力奉行河道溝渠完整堤堰橋閘堅固則分別  
記功獎勵三年之內始終不怠或保知府或於

計典內註明卓薦以示優獎倘有玩忽從事混行捏報  
或藉端擾累一經發覺嚴叅治罪以昭炯戒查水  
利之興闕係農田凡職司民牧者均應實力籌辦

但地方官印各官事務殷繁或不無顧此失彼之慮若令守巡各道及府州佐貳等官分司協理則責成更專稽察愈密而蓄洩利賴可以咸收實效應如該撫所請廬鳳道鳳陽府同知通判潁州府通判直隸泗州州同均准具兼銜水利其鑄給關防之處應令該撫另行擬定字樣造冊咨送吏部再行查辦至該道同知通判等官既經兼銜水利嗣後所屬各州縣舊有河道並現在新修各河及

堤堰橋閘等工均應責令該員等協同地方官隨時加意經理至冬令水涸各於境內逐細查勘如有淤淺阻塞汕刷殘缺處所勸諭附近村民量力出夫修浚補築俾一律寬深堅固其或工鉅費繁民力不繼者即行據實詳報該督撫酌量請

旨辦理倘能實力奉行始終不懈該督撫分別獎勵以示鼓舞如有玩忽從事混行捏報或藉端擾累即將該地方官及道廳等一併分別查叅議處一奏

稱濰河之宜加保護以垂永久也查宿靈虹上承  
豫省永夏及江蘇蕭碭清黃諸水全賴濰河宣洩  
嗣因濰河淤墊水分南北兩股以致泛溢為患臣  
尋源溯流體訪查勘既將濰河開挖原有閘座修  
整以復其舊又將南北兩股因勢利導一併疏浚  
以分其流更於南北兩股河流匯歸濰河處所各  
設閘座以備啟閉平時則上下各閘啟板聽其清  
水分流倘遇盛漲毛城鋪漫濰水至則上下各閘

必須隨時開板俾清水各歸南北兩股本河將灘  
河空出以讓黃水獨行一俟黃水斷流仍將各開  
啟板放入清水以資刷沙此現在辦理之形勢啟  
閉之機宜也夫水利河道雖與河工有間其為利  
害則同河工因設需員防守是以隨時相機保護  
水利河道工竣一交地方官便無人經營遂致有  
名無實今新修各河情勢既具機宜宜講若不派  
員分管一二年間仍歸廢棄殊非仰沐

皇上永垂利賴之至意

臣

查宿州有州同一員州判一

員靈璧縣有主簿一員請將自徐溪口起至符離  
集止所有河道並西流黃疇沙溝三閘應交駐劄  
徐溪口之州同分管其自符離集起至霸王城止  
一切河道並蒿溝桃溝唐溝北山河四閘應交州  
判分管該州判向住州南臨渙集今請於伏秋兩  
汛移駐時村適中之地以便往來照料冬春仍駐  
臨渙以資彈壓又自霸王城以達陵子湖口並無

開座有河道四十餘里應交靈璧縣主簿分管仍將各員所管河道開座統責成宿州知州總理其事不可因有分管之員稍為歧視但既設開座必得開夫以司啟閉應請每開各設四名所需工食照例咨部支銷如此立定章程則濉河可資保護查宿州所屬濉河為宣洩清黃諸水之要道前經淤墊以致水分南北兩股泛溢為患現在既經該撫體察情形將濉河開挑疏浚並將原有開座修

整以復其舊又將南北兩股因勢利導以分其流  
更於南北兩股河流匯歸濰河處所各設閘座以  
備啟閉第不派員分管隨時相機保衛恐因循遷就  
一二年間仍歸廢棄今請自徐溪口起至符離集  
止所有河道並西流黃疇沙溝三閘交駐劉徐溪  
口之宿州州同分管自符離集起至霸王城止一  
切河道並蒿溝桃溝唐溝北山河四閘交州判分  
管並請於伏秋兩汛令該州判移駐時村適中之

地以便往來照料冬春仍駐臨渙以資彈壓又自霸王城以達陵子湖口河道四十餘里交靈璧縣主簿分管俱責成宿州知州總轄其事應如所奏辦理仍令該府飭令該州不時督率逐加查察因時啟閉相幾蓄積務使永垂樂利毋得因循積習稍有岐視以至有名無實其每閘應各設閘夫四名所需工食銀兩應令該撫照例咨部支銷仍於地丁奏銷案內造報戶部查核一奏稱毛城鋪應

責成河員與地方官一體稽查也查濰河所以淤墊之故實因毛城鋪減洩黃水過多所致則毛城鋪實為濰河之關鍵嗣後凜遵

聖訓堅閉不開并照奏准之案將口門冲深溝槽填平上建亂石壩其口門以北之鉗口壩并口門以南之亂石壩一律修復以節水勢即責成黃河之蕭碭廳營加謹守護設遇盛漲之年漫灘之水仍不能不流入濰河應令蕭碭廳先期知會宿州俾經

管各官得以預為防範如有漫灘水發蕭碭廳營  
不立時知照或已經知照而管閘各官啟閉失時  
俱嚴加叅處以儆玩愒務期上下關會聲氣聯絡  
則灘河縱有停沙亦易疏濬等語查灘河當毛城  
鋪之下游上游減洩黃水過多下游必致沙停淤  
墊今凜遵

聖訓毛城鋪堅閉不開又復將口門冲深溝槽填平修  
築亂石霸以節水勢固已防維嚴密但水性靡常

若不先事預防恐盛漲之年黃水漫溢仍不能不  
流入濰河日久又成淤墊自應責成河員協同地  
方官一體稽查宣洩以時方為有裨無患應如該  
撫所奏毛城鋪責成黃河之蕭陽廳營加謹守護  
設遇盛漲之年漫灘水發令該廳營臨期知會宿  
州俾經管各官得以預為防範如並不知照或已  
經知照而經管各官啟閉失時即行據寔查明嚴  
加叅處一奏稱新修水利河道堤堰閘座宜分別

官辦民修以示遵守也查鳳潁泗各屬新開並疏  
浚修整各河大小三十餘道長者二三百里短者  
亦不下數十里其間土性不一有老土淤土有淤  
沙有沙礮河道工成之後底岸堅實可望經久每  
年縱遇雨霖水冲不無坍卸而工程亦屬有限又  
新築並舊有各子堰或有殘缺均請俟冬令水涸  
之後交魚管水利丞倅督率各地方官查明勸諭  
附近有業居民一律修築查報不許混行動項致

滋糜費惟查宿州之洪河濉河從前原被黃水淤  
墊全是淤沙今在淤河中開挑成河土性終屬虛  
鬆一遇雨淋則岸土坍塌卸一遇風起則浮沙飛揚  
將來伏秋兩汛大雨時行上游水發兩岸被水滙  
歸河中難免坍塌卸淤墊之患若兩岸坍塌儘可聽  
其寬展轉為有益而河底淤墊則水勢恐有阻碍  
必得隨時疏浚庶合機宜臣伏讀上年八月內欽  
奉

上諭毛城鋪為濰河上游欲濰河之無淤墊計惟有堅  
閉毛城鋪苟非盛漲不得開放萬不得已如今歲之  
自行漫溢即當於斷流之後將黃水淤沙盡力挑浚  
若稍一因循則今年淤一尺明年即淤二尺河身墊  
高節節阻碍年復一年其淤更甚故逐年挑浚深通  
最為要務欽此

臣於辦理濰河完工後體察形勢熟

籌辦法仰見我

皇上至聖至明無微不至

聖明洞鑒之中誠至當不易永宜服膺遵守者也今灘  
河挑淤工費既繁民力不繼應請歸官辦理第疏  
濬挑挖要在隨時估辦必得預撥銀兩收貯道庫  
以備急需查江寧藩庫有匣費一項原係歸入耗  
羨案內以為充公之用每年請撥銀三千兩解貯  
廬鳳道庫如遇盛漲之年毛城鋪黃水漫溢或雖  
無黃水漫溢而每年清水過後於冬初水涸時飭  
令該州將洪灘二河有無淤墊逐一查明如有應

行挑浚工段具文申報道府親臨勘估一面督州  
多撥人夫秉公價僱如式開挑深通一面通報督  
撫<sub>臣</sub>等委員查察再親加勘驗核實報銷所撥銀  
兩如有餘剩存為下年之用倘有不足如數在司  
庫匣費內找領如或水過未淤亦不許藉端靡費  
倘有捏混冒濫情弊查出嚴行叅究等語查鳳穎  
泗各屬新開並疏浚修整各河及新舊子堰等工  
雖經動項一律修整完固而每年雨淋水冲不無

冊却自宜隨時勸民修築以節錢糧應如該撫所奏如有前項些小工程於冬令水涸後交與兼管水利之員率同各該地方官查明勸諭附近有業居民自行修築不得混行動項致滋糜費至於按年疏浚洪濰二河該撫既稱工費浩繁民力不繼應准其仍歸官辦題請動項興挑所需疏浚挑挖銀兩亦應准其在於江寧藩庫匣費項下每年預撥銀三千兩解貯廬鳳道庫備用如有餘剩存為

下年之用倘有不足如數在司庫匣費內找領仍令該撫將前項銀兩俟工部核明准銷之日於年底彙奏案內造報戶部查核仍令於每歲冬初水涸時飭令該州將應挑浚工段報明該府親臨確估如式開挑深通即一面通報該督撫等委員勘驗核實報銷總期工歸實用帑不虛糜於河道錢糧均有裨益如有過水未淤藉端糜費捏報冒濫等弊該督等速即查明嚴行叅究一奏稱河道既已

興修完工而民間溝洫亦應次第講求也查安省  
凡上承豫徐下達洪澤湖之正河支河或加開挑  
或為疏浚俱經一律籌辦從此可望水勢暢流無  
復阻礙惟每州縣之溝洫小河多者一百餘道少  
亦不下數十道現在潁屬各州縣及鳳屬之鳳臺  
縣因正引支河已經開通而附近士民有將田湖  
溝洫公同自行開挖以達正支河者又有自修子  
堰建設木橋者此益勤力之士民不待勸諭而能

踴躍從事者也至於宿靈虹並泗州歷年被災民  
多貧惰又因人心不齊彼此觀望者有之現准部  
咨議覆御史吳鵬南條奏宜修水土之政一案行  
令酌量查議又議督臣陳宏謀陳奏下江水利案內  
上江一體照辦臣恭酌各議悉心體察應就安省  
地方酌擬章程以期立法必行竊惟謀求水利貴  
於因地制宜今查鳳潁二府地多平行宜開溝洫  
靈虹二縣及泗州瀕臨湖河地勢低窪可築圩圍

一州一縣之中應開之溝洫若干應築之圩圍若干  
某處應先辦理某處從後舉行備細查明分晰  
開造清冊由道府核實通詳立案即交兼管水利  
之丞倅協同地方官多方勸諭次第興舉如有本  
地慕義急公情愿捐資勸事者請照樂善好施之  
例分別獎勵既不可派累滋擾更不可因循怠忽  
務期士民踴躍從事庶可行之無弊仍今年終各  
將辦過溝洫圩圍各若干由道府勘明詳報將地

方官歸入前條兼銜案內分別勸懲等語查興修水利首務固在經理幹河之大且要者其次則疏支渠築圍埂亟須加意講求因地制宜使水潦有備而沮洳之區皆可成沃壤本年正月內臣部議覆御史吳鵬南條奏內開各省督撫如有水利農田之事應行修舉者均令留心經畫酌議具奏又欽差侍郎裘曰修等議覆督臣陳宏謀條奏內開上下兩江水利事同一體其中有應行上江照辦者並

咨安省撫臣遵照辦理今據該撫奏稱安省鳳潁  
二府地多平行宜開溝洫靈虹二縣及泗州潁臨  
湖河地勢低窪可築圩圍一州一縣之中應開之  
溝洫若干應築之圩田若干某處應先辦理某處  
從後舉行備細查明分晰造冊由道府核實通詳  
立案即交兼管水利之丞倅協同地方官多方勸  
諭次第興舉等語均應如所奏行令該撫飭令各  
該地方等官多方勸諭次第興舉年終將辦過溝

涵圩圍各若干之處由道府勘明詳報該撫等分別勸懲報部查辦至如有本地士民慕義急公情愿捐資助事者准其照樂善好施之例令該地方官據實申報督撫按所捐銀數多寡分別辦理如數在三百兩以上者題請議叙如在三百兩以下令督撫司道州縣酌量給匾獎勵一奏稱嚴禁居民阻水之弊以免河道淤墊也查水勢順流而下河底通利則奔騰迅速泥沙不停一有阻遏上面

浮水雖過而河底泥沙漸積甚有闕礙乃有沿河  
無知村民水發時或於河中豎立木椿拴繫葦箔  
捕取魚鰕名曰設簾又有於河水消落或用草土  
或用磚石築埂中流戽水取魚且為往來行人捷  
徑河底層層阻隔習而不察迨次年水發無人收  
拾以致冲蕩湍河每年如此雖有寬深河道亦必  
阻遏淤淺臣現飭地方官出示嚴行禁止倘再違  
犯枷責痛懲仍押令將阻礙處所如式修整以儆

愚頑併飭道府丞倅有水利之責者一體查察務期惡習盡除河無阻礙庶免淤淺倘地方官奉行不力一併叅處等語查沿河村民豎樁設簷築埂戽水不過捕取魚鰕以謀微利原非有心阻遏河道然習而不察無人收拾積久亦易淤滯似應如該撫所奏飭令所屬各地方官出示嚴行禁止但東南澤國小民多傍湖河溪港而居農隙時或施罾布網或下簷安籠以收天地自然之利本難禁

其取携況間遇水潦之年乏食貧民臨流採捕亦  
足以資餬口倘一概嚴行禁止不特有妨生計且  
徒開胥役勒索之門應一併飭令地方有司及兼  
管水利之員親往詳加體察因時因地善為奉行  
凡官河大港關係蓄洩機宜如有築埂立橋實係  
阻礙河流者應設法嚴行查禁其餘溪灣港汊無  
關蓄洩處所仍聽民便毋得委之胥役兵丁藉端  
需索致滋擾累恭候

命下工部行文該撫並兩江總督江南總河一體欽遵辦理可也奏入報

可

乾隆二十三年七月初二日兩江總督尹繼善河  
道總督白鍾山奏言接准部文欽奉

上諭尹繼善奏查勘宿桃等屬工程情形摺內有將駱  
馬湖尾閘商之河臣早行開放使湖面騰空以待汎  
水之語此湖河第一緊要之務也湖雖所以潴衆水

而不為之及時宣洩則停蓄既多鮮有不致漫溢者  
向來治河諸臣不思達其去路而惟恃湖堤以相捍  
禦及湖漲難容終致泛溢不收而遠近田廬胥受其  
害矣即如洪湖五壩之水由高寶邵伯諸湖以歸江  
海本有建瓴之勢乃諸閘之啟閉不時引河之分洩  
不暢而下河諸州縣遂瀕罹水患自去春南巡時親  
臨指示特命嵇璜專司其事令將車邏南關二壩常  
行開放又早閘歸江之路以達其流下河田畝去秋

遂獲豐收今春據嵇璜奏稱高寶二湖湖面寬濶務  
使各處引河通流無滯早為騰空湖面迨水勢漸長  
即由引河分注從邵伯諸湖入運歸江俾高寶諸湖  
不致驟盈等語其所經理頗能恪遵朕訓適合機宜  
在該河督等職司疏浚於其中源委亦所深悉然非  
朕之諄切指畫則誰肯為此耶今駱馬湖之水由六  
塘河下洩而東流入海其河之兩岸則宿桃安清海  
沭六州縣田廬在焉伏秋大汎民生攸繫若使湖面

早為騰空則汎水之來有所容納盈科後進源源下  
注湖水無泛漲之虞而六塘兩岸亦斷不至潰決四  
出矣豈惟此六州縣之利其瀕湖一帶運道民生亦咸  
奏安瀾之慶尹繼善既已商之河臣早為開放尾閘  
以為預騰湖面之計應如所奏速行此後每歲大汎  
之前應行開放時著該總河會同該督先期奏聞以  
免因循觀望并將此旨勒石湖濱俾後之司河務者  
永遠遵守焉欽此仰見我

皇上睿謀廣運指示精詳實已無處不周無微不至臣等仰體

聖心詳加籌畫竊查駱馬一湖上承東省蒙汭諸山之  
水奔騰滙注由六塘河東流入海原期使其暢洩  
不致壅滯方為得宜舊例將湖之尾閘冬間堵閉  
俟春間糧船過完始行開放原為蓄水以濟漕運  
也但歷年以來偶值運河水小尚少資其接濟而  
水勢充餘之時較多糧船轉運竟無藉於湖水每

年尾閘堵閉之後湖水停蓄不能預先騰空及至  
水發之時前者未去後者又來一時宣洩不及以  
致漫延為害職是故也臣等與各道再四商酌似  
應因時變通將冬間堵閉尾閘之制竟行停止使  
湖水源源下注將湖面早為騰空縱遇夏秋水發  
有地可以容納隨長隨消六塘河堤埝亦可無冲  
潰之虞如遇秋冬水小之年必須堵閉蓄水以備  
來春濟運再行奏明酌辦如此不但每年啟閉錢

糧可以節省而蓄洩得宜庶於數州縣民田更有裨益奏入

上諭曰如所議行該部知之

乾隆二十三年七月初四日兩江總督尹繼善河道總督張師載山東巡撫阿爾泰奏言乾隆二十

三年六月初六日准

廷寄乾隆二十三年六月初三日奉

上諭據裘曰修等奏被水地畝已多涸出所有從前奏

請於湖口閘上添建閘座之處應行停止等語從前  
尹繼善以運河水漲亟應疏濬是以奏請於該處添  
建閘座以資宣洩今復奏請停止其意蓋以積水已  
消若添建出水閘轉恐於蓄水濟運之法有礙此未  
免過計現在積水雖退而運河量不慮無水接濟該  
處閘座雖不必添建或酌量運河蓄水尺寸將閘口  
迤上之堤留為滾水壩俾蓄洩俱有所資殊更為有  
益著傳諭尹繼善等即妥協查勘辦理再摺內有安

山湖已成平陸之語此湖既成平陸民間自必耕種  
現在曾否已經陞科著一併傳諭該督等查明具奏  
欽此臣等跪讀之下仰見我

皇上睿慮周祥籌畫盡善至意除安山湖陞科緣由臣  
張師載臣阿爾泰另行覆

奏外遵即知會先後齊至韓莊悉心查勘伏查湖口  
開水勢往年以金門水深一丈二尺五寸即須開  
板收蓄今採量水深一丈三尺五寸較往年尚多

一尺現在宣洩查東省運河自濟寧以北有汶府等河並蜀山馬踏諸湖之水濟運濟寧以南又有泗水等河並南陽獨山微山等湖之水濟運今運河一帶凡有通湖陡門及支幹各河俱已疏濬深通將來水小之年亦不慮無水接濟若遇水大之時湖口閘現止一孔寬僅二丈實慮不足宣洩自應欽遵

諭旨建設滾壩誠為得宜

臣


等相度地勢擬於湖口閘

迤北六丈之上添建滾水石壩一座口門酌寬三十丈洩水入河形勢甚為順利其壩脊亦照湖口開金門水深一丈二尺五寸為度水大則漫壩宣洩水小則收蓄濟運庶水有節制於運道民田均收實益俟奉到

諭旨臣張師載阿爾泰當即欽遵核估撥款備辦奏入得

旨如所議行





欽定南巡盛典卷四十一

欽定四庫全書

史部

欽定南巡盛典卷四十二

詳校官編修臣汪鏞

欽定四庫全書

欽定南巡盛典卷四十二

河防

乾隆二十四年二月二十五日兩江總督尹繼善  
江南河道總督白鍾山奏言竊照揚州府屬寶應  
縣城居運河東岸當淮泗下游地勢本屬低窪加  
以運河北來之水兇灣頂冲僅賴一線土堤為之  
保障每遇汎水漲發城社民生實屬危險乾隆二

十二年恭逢我

皇上

聖駕南巡

臣

尹繼善面奉

諭旨飭令建砌護城磚工以資捍衛今據江蘇布政使等委員確估自城北太平菴起至城南宏濟閘止創建磚工長七百八十六丈連築壩並修補尾土共需工料土方銀三萬八千二百五兩零造冊詳請題估臣等復核無異恭疏具

題奏入

上諭部知之

乾隆二十四年十月二十六日江南河道總督白鍾山等奏言竊查洪澤湖上承淮河七十二山泉之水全賴堰盱一帶堤工保障全淮蓄清敵黃最關緊要自武家墩以南至蔣家壩計長百餘里俱係磚石工程其武家墩迤北至湖口濟運壩向係土堤每遇水大之時搶修柴工塘護乾隆二十二

年

聖駕經臨閱視陞任副總河臣嵇璜同臣尹繼善隨侍  
之下面奉

聖訓指示應建石工並奉

諭旨將來做工當先儘此石料用現在徐州石土各工  
併舉俟將來次第辦理欽此仰見我

皇上睿謨廣運洞悉機宜慎帑重工安愈求安之至意  
兩年以來徐城兩岸興舉土石工程淮揚徐海各

處有急辦續辦水利大工臣等欽遵

聖諭俟各工告竣於今秋汛工平之後臣白鍾山親赴該處率同各道等詳加勘閱查武家墩迤北至濟運壩止計堤長一千六丈正當洪湖下游每遇汛水長發風浪撞擊原舊土堤易於汕刷塌卸自不若改建石工以資鞏固庶可一勞永逸惟是工段綿長應需石料繁多入山採取路遠運艱甚費周章而堰盱各工所存乾隆十九年分大修石工案

內餘剩石料除陸續撥用並於二十二年秋間堰  
盱風暴案內補修石工儘數選用無存茲復於沿  
湖一帶逐細搜尋弔撈計得面裡石塊四千餘丈  
臣等與各道細加商酌如普例建石實不敷濟用  
再四審度武家墩南首原係磚工擬請於該處一  
律建做磚工其面底蓋鋪石塊並將搜尋之石儘  
數估砌少辦河磚通共估需銀五萬八千餘兩既  
可經久抵禦且與南首磚工接連一律更得節省

錢糧從此洪澤全湖大堤俾得一律鞏固永資保障實於河防大有裨益如蒙

聖恩鑒允臣等即飭該管道廳逐細確估遴委妥員分段承修臣白鍾山就近率同淮揚道等不時往來實力稽查勒限照估僨辦除俟工竣核實具

題造冊送部查核奏入

上諭曰好如所議行

乾隆二十五年三月二十六日工部奏言工科抄

出江南河道總督白鍾山等疏稱裡河高堰二廳  
所屬山清交界一帶土堤自武家墩迤北起至濟  
運堤止計長一千零六丈坐當洪澤下游每遇汎  
長風浪撞擊危險堪虞乾隆二十二年春恭逢  
聖駕南巡

親臨指示

諭建石工以資捍衛復經臣查勘奏明照武家墩南首  
一律建做磚工底面鋪蓋石塊搜尋舊石儘數估

砌既可經久抵禦更得節省錢糧欽奉

俞允當經轉飭遵照確估今據淮揚河務道何燭將裡  
河高堰二廳應建磚石工程除運用沿湖一帶石  
塊并舊河磚不請錢糧外共估需物料夫工運腳  
銀五萬八千八百七十四兩四錢五分五釐一毫  
零造冊詳請題估臣復核無異除冊結送部查核  
外相應會題一疏查先據該督白鍾山等奏稱裡  
河高堰二廳屬武家墩迤北濟運壩止正當洪澤

下游每遇汎水長發原舊土堤易於汕刷欽遵

皇上指示不若改建石工以資鞏固但工段綿長採石艱難即於沿湖搜尋吊撈餘石如普例建石實不敷用於武家墩一帶建做磚工面底蓋鋪石塊並將搜尋之石儘數估砌少辦河磚既可經久且與南首磚工接連一律更得節省錢糧奏准咨部經臣部行令作速確估造冊具題查核今據該督將前項建做磚石工程除運用沿湖一帶石塊并舊

河磚不請錢糧外共估需料物夫工運腳銀五萬  
八千八百七十四兩四錢五分五釐一毫零造冊  
具題應如所題辦理以資捍禦仍令該督俟工完  
之日將做過工段用過銀兩照例核實造具清冊  
題銷可也奏入

諭依議行

乾隆二十五年十月初八日禮部尚書嵇璜奏言  
竊臣於九月十三日至清江浦見河臣白鍾山得

知督臣尹繼善等因下河時屢

宸衷悉心籌畫議得運河東西二堤勘修堅固以資捍  
衛挑濬淮揚運河酌辦西堤港口疏通諸湖引河  
俾湖水暢達歸江以為保護下河之計督臣現在  
會摺具

奏恭請

聖訓遵循辦理惟歸江之路尚有應行籌辦之處查運  
河東堤之金灣滾壩口門寬四十丈而尾閘仍歸入

六閘河內未能暢注且易淤阻應請於金灣壩下  
開挑引河一道正對董家溝滾壩並將董家溝淺  
窄之處量加疏挑以注於江則尾閘更為寬暢又  
查廖家溝石羊溝董家溝三壩壩面尚高應請改  
低三尺以芒稻西閘為準使就下之水益加暢利  
歸江去路既多則歸下河之水自少矣臣謹繪圖  
貼說恭呈

御覽伏乞

聖明訓示

勅下督河撫諸臣一併勘議辦理奏入

上諭曰此係卿在京曾奏之事原以待明年南巡舉行  
今既改期且督河諸臣已有挑濬之舉則及時此奏  
實為允當有旨交尹繼善等勘議

乾隆二十六年三月初十日高晉陳宏謀奏言竊  
臣等接准

廷寄尚書嵇璜奏請於邵伯運河東岸之金灣滾壩

下開挑引河并將廖家溝石羊溝董家溝三壩改  
低三尺使歸江去路既多則歸下河之水自少等  
因欽奉

諭旨交尹繼善等勘議欽此經臣等會委淮揚道何燭  
勘估詳候覆勘因督臣尹繼善前赴江西審案河  
臣白鍾山患病尚未會勘今臣高晉自京回南臣  
陳宏謀正在淮徐接准督臣尹繼善來札以江西  
甫回又現在奉

旨進京不及會勘查時屆仲春汛水將至不宜再遲臣  
高晉與臣陳宏謀隨即會同親往查勘金灣壩上  
承諸湖之水為歸江要道緣壩下引河仍匯入金  
灣六閘河內宣洩不暢且易淤阻臣等細按地勢  
情形應如該尚書所奏於金灣壩下另開新河一  
道俾減下之水由董家溝直捷注江又董家溝石  
羊溝廖家溝等三壩均屬歸江尾間現在壩底尚  
高亦應如所奏將壩底各改低三尺與芒稻西閘

之底相平則尾閘更為通暢臣等復上下相度悉心籌議南閘等壩現議封土三尺將運河東西兩隄量為修補以資防護則是高郵等湖水歸海之路既已節減必應將歸江尾閘多方開展以達其暢流之勢今金灣壩以下既已另開新河其原設之舊壩僅止四十丈不獨壩面覺小且形勢亦覺背流并請於壩北展寬十丈連舊壩面共寬五十丈以順其吸川建瓴之勢則洩水更多又迤下東

灣西灣地方舊設有滾壩兩座減洩湖河之水直注石羊溝歸江緣西灣壩下引河短促僅長二百二十餘丈即與東灣河相合非特水噎不流亦且阻遏東灣之水倒漾出運今應將西灣壩下引河取直加挑三百二十丈至太平橋始與東灣之水合流則流長而勢順庶西灣滾壩方為有益再迤下鳳凰橋引河洩水係由廖家溝歸江因年久未修河內間有淤灘水勢不能通暢亦應挑濬寬濶

以資宣洩至金灣壩下既開新河壩面又擬展寬則就下之董家溝壩面并應展寬十二丈連舊壩共寬三十丈石羊溝壩舊有耳閘兩孔實屬無用今應將磯心拆去即以閘牆為滾壩裏頭計展寬五丈四尺連舊壩共寬三十七丈四尺廖家溝壩面原寬十六丈連年刷寬三十八丈應就現寬丈尺於東牆修建裏頭共寬四十四丈各壩俱經改低又復展寬其壩下引河凡有高仰淤灘積土酌

量水平挑切寬深如此一律辦理庶幾歸江之路暢而南閘車邏東注之水自少矣以上各工約需銀一十四萬兩因係急辦之工臣等一面咨會鹽政高恒在於運庫銀內如數解交河庫道應用一面分段落派委附近之同知通判州縣并河員中幹練工程之員按段承修尅期興工并委揚州知府孔傳炯原任蘇州府姜順蛟往來監工責成淮揚道何燭常鎮道錢琦上下稽查定限汛前完

工臣等仍隨時留心督催務期工歸實濟不容草率浮冒以副

皇上垂念湖河保護民生至意除飭司道造具估冊確核會

題外所有

臣等勘議飭辦并請動運庫銀兩緣由理

合繪圖貼說會同兩江總督臣尹繼善江南河道

總督臣白鍾山恭摺具

奏奏入

上諭曰諸凡皆妥如所議行

乾隆二十六年六月初三日高晉陳宏謀奏言竊  
照揚州府屬之高寶興泰等下河地方積年被淹  
荷蒙

皇恩准將高郵之南關車邏等壩封土三尺於金灣壩  
下加挑新河分流暢洩俾水歸江現在俱已完工  
另摺奏

聞自此洪湖運河之水不致漫過三壩而東注則高寶

興秦等處可免西來之水患矣惟是下河各州縣  
境內支河汊港及田間積水向來俱匯入串場河  
北流二百餘里於鹽城境內之石碓天妃等閘始  
行歸海道遠紆迴驟難消涸民間雖挑溝築圩不  
足以資捍衛歷來每有西水不至而雨多水積亦  
足為患者是下游被淹之故固應杜其來源而本  
地積滯之區亦當籌其去路此閘下舊有歸海之  
引河不可不加疏治也而議者有謂海潮勢大近

海挑濬恐內水未出外水先進者又或謂雨多水漲各處匯集即分疏引河不能洩水歸海者臣等伏查范公堤綿亘六百餘里串場河自南而北向建石閘十八座每閘俱有引河專為洩水歸海之計嗣因洪湖之水由高郵各壩東注下河形如釜底水未到閘地已被滄是以不暇計及閘下之引河今南關等壩既已封土金灣復又開河經始既有成模則善後必規全局查現在鹽城境內石碇

天妃閘引河寬深由新洋港歸海洩水甚暢又興  
化境內之白駒青龍八竈大團等閘引河於乾隆  
二十二年經前副總河臣嵇璜

奏准挑濬由關龍港歸海雖不能如石碓等閘之通  
暢而閘水現由外趨頗資宣洩其餘迤南之丁溪  
小海迤北之上岡北草堰陳家冲等五閘緣彼時  
尚可通流列入緩工未及挑濬年來水滄沙停有  
竟成平陸者各閘亦常閉而不用臣等先後親往

各該處上下查勘現有王家港水深八九尺至一丈二三尺寬十四五丈又有射陽湖寬深更甚臣等凜遵籌辦下河諸務之

聖訓悉心討論並與常鎮道錢琦河庫道李宏淮揚河務道吳嗣爵等再四講求若將丁溪小海二閘引河疏濬深通順勢再開一引河匯入王家港歸海又將上岡草堰陳家冲三閘各引河疏濬深通順勢亦開一引河匯入射陽湖歸海就其阻塞之途

因勢利導俾散漫之水裁灣取直順軌安流滙歸  
深通之海口庶更併力趨海總以海為歸宿並非  
另疏海口當不致有倒灌之慮至謂引河不能洩  
水歸海則從前所開之白駒等閘引河現在洩水  
歸海已得濟用歷有明徵蓋積水之區若得多一  
尺去路即可早消一尺積瀦並可早涸一尺田地  
數州縣之積水增此五閘之引河節節疏通源源  
宣洩小民見水易消涸自必齊心合力各挑河溝

加築圩圍蓄洩兼資旱澇有備將見沮洳漸成沃壤仰沐

皇恩永資樂利臣等為下河通籌全局起見用是合詞備陳恭請

聖訓倘蒙

俞允容臣等於本年封土以後夏秋之間再看下河各州縣水勢情形詳籌審度將應需銀兩撙節估計另行妥議請

旨遵行謹先行繪圖貼說恭呈

御覽奏入

上諭曰甚應行之事妥協辦理可也

乾隆二十七年三月二十六日劉統勲兆惠高晉

陳宏謀奏言臣等仰蒙

皇上訓示前往高寶甘泉運河相度疏洩機宜沿途查勘測探運河水勢現在深通至湖河之水以五壩為來源以江海為去路而歸江多一分之水即下

河受一分之利臣等遵

旨查勘運河歸江之路自邵伯以下向設有灣頭閘壁  
虎橋鳳凰橋西灣壩東灣壩金灣滾壩金灣六閘  
共七處俱係宣洩湖水由鹽河歸廖家溝石羊溝  
董家溝芒稻閘等四河分流下注茲細加查勘內  
如灣頭閘洩水最暢壁虎橋河僅長一百餘丈即  
與灣頭閘河相連鳳凰橋河兩岸陡崖歷來積土  
甚高難以展寬且該處磚木橋三道河面已寬十

餘丈足敷分洩均不必另行辦理外查金灣壩引河係上年新挑該處緊接六閘地居上游由董家溝下注宣洩湖河最為便捷惟是滾壩五十丈測量河身寬十五丈河底寬八丈尚覺未能暢達又金灣六閘舊有鹽河由芒稻閘歸江最為寬深從前原係與金灣壩之水匯歸入江去路甚暢今金灣滾壩既另挑新河該處六閘金門尚存其舊僅寬十丈八尺未免來源過窄又東灣滾壩先於乾

隆二十二年落低三尺西灣壩未經並落宣洩不暢以上三處臣等公同商度酌議將金灣壩新挑引河再行量為展寬以河底十丈為率河身下游地勢稍仰亦應一律再加挑濬深通使有建瓴之勢六閘鹽河舊為歸江水道向設南中北各二閘河頭築堤分為三路匯歸一處其北閘二門為運鹽要津南中二閘閘底較高原係相機蓄洩較之滾壩過水尚覺遲滯應將北二閘仍留以濟鹽運

自中閘迤南添建石壩三十丈并將中閘照舊存  
留與北閘相隔二十四丈閘下土堤再行量為接  
築加長并酌挑引渠以順水勢其下注之水既與  
鹽運並無妨礙而盛漲之時湖水得以暢達西灣  
滾壩照東灣一體落低三尺并於西灣河頭酌挑  
寬深以導引水勢如此則高寶諸湖歸江之路益  
增宣洩之形益暢實於下河民田廬舍大有裨益  
臣等於查勘後即星往六塘河等處查勘宿遷等

州縣河道情形將現議建壩挑河處所交淮揚道  
吳嗣爵楊州府知府楊重英將工段界址插標立  
誌恭候

聖駕順道閱視如蒙

允准所有應辦工程督撫河臣詳細確估奏

聞請

旨俟秋汛水落即遴委妥員分頭備辦臣等謹繪圖貼  
說恭呈

御覽奏入

上諭曰所議甚合朕意應如是者圖留覽

乾隆二十七年四月初九日河道總督張師戴山東巡撫阿爾泰奏言竊照東省運河荷蒙

皇上睿謨廣運閘壩堤堰次第興修節宣有制年來濟運行之已有成效但逢上年汎水異漲臣等細察情形尚有應行籌辦者如下河廳屬之德州有哨馬營滾壩一座恩縣有四女寺滾壩一座壩下各

有支河一道均係減洩漳衛汶異漲之水由老黃河入海漳水渾濁挾帶泥沙每遇伏秋易致淤墊乾隆二年曾經題定歲修年年疏濬動用德州河灘地租銀兩如有不敷於司庫存公項下動撥募夫辦理自乾隆二十三年大工挑濬之後每年留淤無多勸諭民力疏濬迨至上年伏秋水漲倍於往年臣等細勘情形現在哨馬營壩門寬三十丈足資宣洩惟四女寺壩門僅寬七丈宣洩不暢應

將壩門展寬三丈以資吞納其壩下支河亦應一例展寬至哨馬營支河河身既寬為渾水經過停沙較厚處處淤墊祇須募夫挑濬應與四女寺滾壩展寬工程俱請仍照舊例動用灘租及司庫存公銀兩辦理庶壩門展寬而河身又足容納即遇盛漲宣洩更屬有益又如捕河廳屬有五空橋一座係洩沙趙二河之水由大清河入海橋面寬十一丈五尺底高運河一丈二尺乾隆二十三年添

建八里廟滾壩之時欽奉

諭旨增令高運河底七尺嗣將各壩落低水勢平穩曾  
經奏明暫請停緩俟酌看來歲水勢情形請

旨辦理連年以來河水俱平無庸興辦上年水勢既大  
仍應照舊落低七尺為度庶沙趙二河易於減洩  
而東阿壽張東平一帶民田亦深有裨益又如運  
河廳屬魚臺縣西堤辛莊橋北舊有洩水口二處  
每年秋水盛漲由此分洩入昭陽湖遞入微山湖

迨至春間必須堵閉蓄水以濟漕運不特歷年需費而口門過水日漸刷深有二丈在運河既難以節制而兩湖受水過大亦非長策臣等公同詳勘兩水口各寬十數丈應照兩頭碎石堤工之法填築堅實另擇就近堅硬處所修建滾水壩一道寬二十丈壩脊全高運河底六尺為度如遇汎水浩大至六尺以外可以滾洩入湖六尺以內留為濟運即使春夏水小亦無旁洩之虞較之每年築壩

折壩實為一勞永逸且入湖之水有此節制亦不致有過大之患矣以上哨馬營四女寺展寬疏濬工程所需錢糧仍歸歲修辦理其五空橋落低並辛莊橋建壩工程所需錢糧應請在於運河道庫酌撥節省項下銀兩咨部動用毋庸請動司庫地丁錢糧臣等現飭該司道督同廳汛等官確估速辦奏入

諭如所議行

乾隆二十七年五月初一日大學士劉統勲直隸  
總督方觀承山東巡撫阿爾泰奏言竊臣等面奉  
諭旨直隸景州地方連年被水本處溝渠河道無可疏  
消上游德州運河每遇伏秋大汛一有泛漲即波  
及景州田畝運河東岸之四女寺哨馬營原有減  
水壩一座

命臣等前往查勘如有應行修濬之處詳查確議請  
旨遵行臣等前往恩縣四女寺地方驗看現有壩座其

金門寬八丈中間磯心二座高一丈四尺四寸龍脊高河底一丈一尺現在壩下運河水深七尺五尺其壩下口門間段停淤減水河亦為地形所束運河湏水長至三尺五寸以上始行過水臣等查此壩座落形勢分水減溜最為得力而壩門窄狹壩底較高壩下減河亦未通暢臣阿爾泰於本年四月內會同河臣請展寬三丈已蒙

諭允尚未興工臣等酌請於原奏之外再行展寬一丈

合之原有尺寸共寬一十二丈此處壩底較下游  
哨馬營壩面高一尺六寸請將此高出尺寸一律  
落低多有減洩至哨馬營壩座金門寬三十丈建  
築之時龍脊高出河底一丈五尺後於乾隆十三  
年落低二尺其高寬丈尺與過水情形甚為得力  
但使引河通順此壩即為減水關鍵不須更議修  
改臣等復查四女寺哨馬營兩處壩座俱藉壩下  
支河減水必須一律深通下游始無阻礙臣等按

行支河兩岸積土甚高係民間歲修未克挖土遠  
送是以日積日高易於流墊河內下游漸次寬深  
總匯於玉泉莊地方由老黃河至海豐之大沽河  
口入海亦係民間歲修工程惟此壩下支河一段  
臣阿爾泰擬於回途會河臣再行相度遴委妥員  
詳加勘估

奏請挑濬俾得水無阻礙以收宣洩之益臣等更有  
請者山東運河自臨清以上疏洩閘壩共計八處

而臨清迤北惟藉四女寺哨馬營兩處宣洩此兩壩必宜疏通以防盛漲浸漫波及下游誠如

聖明洞鑒但宣洩機宜向無專員管理臣方觀承臣阿爾泰因德州衛守備不足以任修防曾經

奏請將兩岸堤工分屬德州恩縣地方官承辦今已有章程至此兩壩支河均會老黃河入海綿長三百餘里經由山東直隸十數州縣並無廳汛河員管轄愚民各顧其私遇有淤灘地段即希種植獲

利河身易致淤塞一處阻礙不通兩岸即致漫溢  
所關誠為緊要查有兩支河交匯之德州邊臨鎮  
應請將德州州判移駐於此該員在德州並無專  
管而邊臨鎮附近德平商河民情刁健向議設員  
彈壓請即將此州判專司河捕俾不時兩岸巡查  
遇有應行修治之處即移會河道坐落之州縣公  
同辦理但州判官職微小河道關係兩省恐致呼  
應不靈查山東糧道駐劄德州哨馬營四女寺近

在德州數十里之內管理甚易該道押運赴通經  
由道路皆係運河稽查亦便請將一切疏築事宜  
責成該道管理在直隸原係天津道管轄地方遇  
有閘會事件即令兩道移文商辦免致隔省膜視  
董率既係大員汎官復有專責庶壩座河道辦定  
之後歲歲增修永無頽廢德州上游河勢平緩下  
游景州免受漫溢之患臣等公同查勘謹將原圖  
貼說恭呈

御覽奏入

諭依議行

乾隆二十七年六月初七日尹繼善高晉陳宏謀  
高恒奏言乾隆二十七年四月初六日欽奉

上諭駱馬湖水由永濟橋東注為六塘河源流既遠所  
受支河甚多河中淤埂阻滯溜勢一遇暴漲猝難容  
洩田廬易致漫淹應視兩岸中間窄狹者再加寬展  
切去河中淤埂俾游波寬緩不致出槽堤身殘缺卑

薄者量為修補以資捍禦其六塘河尾閘橫經鹽河由東岸武障等河下洩入海原設條石滾壩為過水之準其旁並設草壩水小則蓄水運鹽水漲則拆壩消水商利蓄而民利消彼此各爭其便當每年權其緩急利害立定期限以時啟閉庶於渠政有裨其草壩以下各有引河及六塘河北岸之丁家溝南岸之馬家河鮑營河形勢紆曲阻塞者均如諸臣所勘估挑辦理務使通流以達於海第六塘河修防事

宜向無專設之員即鹽河各壩亦非鹽務微員所能  
相機經理該督撫於通省事簡同知通判缺內議移  
一員置高家溝適中地方仍應揀選能勝此任者奏  
聞補授俾需司水利及修防啓閉之事地方水利各  
員聽其調遣仍歸淮徐海道總轄亦聽總河節制務  
令宣防無悞而蓄洩合宜此皆朕目擊深維集衆議  
而取裁定制如此地方大吏其善體朕意實力奉行  
所有應添石壩土堤及一切挑挖疏濬各工該督撫

河臣會同鹽政悉心確估核議以聞欽此仰見我

皇上軫念民生永弭水患之至意

臣陳宏謀於送

駕之後即親赴六塘河將勘定應修之工逐一丈量明

白豎立封堆簽釘誌檣會委淮揚河道吳嗣爵淮

徐海道塘琦督同工員逐段確估並將六塘河尾

閘各河應行挑濬之處一併勘明估計據該道等

會稟前來

臣尹繼善正在蘇州秋審面同臣陳宏

謀覆加確核除鹽河內啓閉草壩例應商辦者仍

歸商辦外通共估需銀十八萬九千餘兩現在另  
造細冊會疏

題報惟是目下已屆伏汛水勢漸長挑河切灘難以  
施工須俟秋後興舉至六塘河展寬堤岸培修堤  
工乘此上游水未漲發之時即應上緊僱辦臣等

遴委明白工程之管工河廳及沿河附近各州縣  
分段承修專委吳嗣爵瑋琦為總理大員又委准  
徐兩知府協同兩道查催稽察如承修人員不照

估妥辦侵冒錢糧及怠玩遲悞者立即揭報嚴叅  
臣等輪流前赴該工督辦工完逐細驗收倘有偷  
減草率者即將該管道府及承修人員一併嚴叅  
重處但前項應辦急工亟須發帑應用若俟

題准動給未免濡遲臣等查蘇松糧道庫內現貯漕  
項銀二十四萬兩尚未解部仰懇

聖恩即於此項內就近酌撥銀十九萬兩解交河庫存  
貯給發濟用因目下已經動工刻難緩待一面恭

摺

奏明一面先酌撥銀十萬兩以便趕辦其餘銀兩俟  
奉

旨允准之日再行照數撥足其六塘河移駐經管人員  
臣等現在揀選另疏具

題奏入

諭部速議

乾隆二十七年十二月初二日山東巡撫阿爾泰

奏言竊臣赴武定濟南東昌等處查勘一切所有  
沿途辦理情形業經奏蒙

聖鑒臣於十一月初五日由東昌赴兗州所屬之壽張  
縣地方查該縣境內有沙趙二河上承荷澤濮范  
之水南由趙王河積水閘歸運北由沙河道入橋  
歸運伏秋坡水匯流沙河出水勢當頂冲雍正四  
年於沙河會流之處修建大壩以禦其勢此沙河  
大壩之所由來也臣查今昔情形不同沙河出水

之處已於乾隆二十二年八里廟既建有滾壩積  
水閘以北道人橋以南又挑引河一道俾之分洩  
而五空橋又遵

旨落低來源雖廣去路亦多臣察看情形商同河臣飭  
令該縣酌將大壩挑開口門使沙趙二河之水暢  
流入運則壽張一帶窪地水患似可少減至聊城  
陽穀東平東阿沿河堤堰伏秋大雨之後間有單  
薄殘缺臣先經飭令該州縣加高培厚現俱一律

修整完固而東平州尤為出色又該州地畝低窪之處於乾隆二十五六年開濬金線等河渠十四道疏消坡水匯入大清河歸海年來禾稼豐收皆成沃壤農夫咸知水利有裨農田爭相踴躍其州北之穀家莊州西之馮家等莊地勢均屬低窪今各開渠引水入會全大清等河現俱興挑完竣

臣逐加查勘頗合機宜於窪地民田有裨又汶上縣稻屯地方查可開稻田之處該縣董勸鄉民將

馮莊等泉疏濬深通現在開漏築塍并覓善種稻  
田之農夫教以耕耨所需稻種亦俱購辦以備來  
春借給即行布種俟開有成數另行奏報再濟寧  
州之馬場湖上承寧陽等縣坡水并資蓄以濟運  
緣湖堤殘缺水難容納前經臣飭令該州加高培  
築堅固現已完工則蓄水濟運有資而旁溢可免  
臣至嶧縣之韓莊查滾壩過水仍二尺九寸與前  
所查無異至伊家河仰蒙

聖訓河身尚需寬展臣親至查勘凡可展寬以及砂礮石塊較少之處酌量開挑總期河水暢流俾無淺阻臣自充至沂查嶧縣臺莊至郯蘭交錯之馬頭地方計程一百二十里不通車路臣相度情形飭令該縣等兩旁開溝取土疊道並將橋座用石幫寬既可行車以便商旅而溝深通廣兼消坡水以利田疇已於十一月初八日具報完工至蘭郯二縣地勢低窪自乾隆二十三年以迄於今開挑河

渠六十餘處分疏坡水引入沂河以及芙蓉燕子  
等河年來窪地疊獲豐登地方日有起色臣復加  
諄囑諸凡疏築創始幸有成效善後尤為喫緊務  
須歲歲留心妥辦以期永保前功臣復自沂至泰  
查各府所屬興修水利地獲有收固已餬口有賴  
有因種植梲櫟現據飼蠶收繭以供紡織復被體  
有資凡所以為斯民計者臣當率屬竭力籌辦以  
仰副

聖主懷保斯民之至意奏入

上諭曰諸凡留心本務實屬可嘉

乾隆二十七年十二月十七日江南河道總督高  
晉奏言竊查清口淮黃交會為河工最要關鍵從  
前因黃河北岸陶莊漲出沙灘逼溜南行直趨清  
口每致倒灌為患康熙三十八年

聖祖仁皇帝南巡

親臨指授方畧建設

御壩挑溜北趨并於陶莊開挑引河以順水勢誠千古不易之良模乾隆五年臣叔高斌推廣

聖意奏請

皇上訓示建設木龍自此南岸各壩掃工之外俱長沙灘數十丈至數百丈不等北岸陶莊積土日見刷去已著明效本年春間恭逢

聖駕南巡臨工閱視

指示機宜於現存三架木龍迤下一百二十丈處添建

木龍一架挑溜直趨陶莊以期積土盡刷欽此臣遵  
即派委署外河同知克爾圖購辦木料復委候補  
通判馮焜驗收齊全秋汛後臣察看水勢情形督  
令於九月十一日開工臣與淮揚河道吳嗣爵仍  
時常往來稽核查催茲據該員稟報十一月十一  
日攢辦完竣臣隨率同道廳前赴該工確勘查該  
處舊設木龍三架保護淤灘雖甚有益但三架迤  
下距清口之西壩尚有四百六十餘丈隔陶莊之

積土亦有二百九十餘丈未免木龍力弱挑溜不能及遠黃河全勢尚未北趨今新添木龍計長五十丈寬六丈地勢較前移近一百二十丈陞閘擬入河身挑溜正與陶莊積土斜對其積土外灘現已刷去長三十六丈寬一丈至一丈二尺不等木龍之下新生淤灘長九十丈寬二丈至三丈有餘西壩以外亦已新生淤灘十一二丈此時乃水落歸槽之候溜勢平緩其新添木龍已覺得力如此

若至明春汎水長發溜勢湍急更必大有成效臣  
惟當凜遵

聖訓倍加謹守務期陶莊積土漸次刷淨黃河大溜全  
趨北岸湖水暢出清口並行東注歸海以仰副我  
聖主慎重河防永奠民生至意奏入奉

上諭欣慰覽之

乾隆二十八年正月二十九日江南河道總督高  
晉奏言竊照上年春恭逢

聖駕南巡經臨運河

指授方畧特頒

上諭高寶一帶應宣導歸江者邵伯以下西灣壩洩水  
情形至為便捷將壩底落低四尺河頭亦加挑寬深  
以資利導金灣滾壩新挑引河應再展寬以河底十  
丈為率迤下地勢稍仰並一律深通俾成建瓴之勢  
金灣六閘應折去南二閘添建石壩接築土堤并挑  
引渠以備盛漲湖水自無閘壅之患欽此臣等敬沐

聖訓將西灣壩落低工程遵

旨於汛前辦竣其金灣河應行展寬挑深并六閘改建

石壩各工擬俟汛後備辦緣由俱經會摺奏蒙

聖鑒臣於秋汛霜降後會同督撫鹽臣將金灣河等工

於附近廳營州縣內遴委署江防同知福隆阿等

十員分段承修於上年十月初二日興工并委淮

揚道吳嗣爵常鎮道姚成烈揚州府知府楊重英

往來工所查催臣與督撫鹽臣隨時督察仰賴

聖主洪福天氣晴和工員人夫咸知踴躍嗣據各委員  
於十二月初一二等日陸續具報依限完工臣隨  
親往驗收按照原估丈尺段落并上下形勢細加  
確核金灣引河河底俱一律挑寬十丈面寬自十  
餘丈至二十餘丈不等迤下地勢稍仰之處亦皆  
挑深自二三尺至六七尺連前深一丈餘尺至二  
丈餘尺不等形如建瓴將來水由董家溝歸江可  
期暢達其金灣南二閘改建石壩寬三十丈其壩

脊高下即照西灣滾壩落低四尺之制為準並接築土堤挑濬引渠由芒稻河歸江以上各工均屬如式辦理並無草率偷減情弊現將用過錢糧再加核實飭道另造細冊詳送分別會疏

題估題銷臣復查芒稻河舊設十閘向例冬春閉板夏秋酌定水誌啓板續於乾隆二十三年經尚書嵇璜

奏明鹽船由舊越河直達金灣北閘將芒稻閘常川

開放并聲明如遇水小之年再行相機辦理數年  
來每值冬春下游通泰河流淺涸即在芒稻閘迤  
東築壩蓄水以資農田灌溉并通糧運鹽艘直至  
汎水長發方始開放今金灣南二閘業經遵

旨改建石滾壩照西灣滾壩一律落低壩下引渠又經  
加挑寬深與從前形勢不同是伏秋大汎固已暢  
洩無阻而冬春水小又應因時制宜酌量變通臣  
再四熟籌冬春之際與其在芒稻閘迤東築壩蓄

水不獨多費錢糧且啓折之時倘壩底稍有未淨  
轉於宣洩有礙嗣後應將芒稻閘每年冬春水小  
時酌量下板數塊於灌溉農田糧鹽運行既可兩  
有裨益一交夏令汎水將發即全行開放於減洩  
盛漲仍可不致阻礙從此操縱由人相機啓閉則  
水小水大均資利賴矣奏入奉

上諭覽奏俱悉

乾隆二十八年二月初一日江蘇巡撫莊有恭奏

言竊照揚州府屬之高寶興泰等州縣下河地方  
節年被淹仰荷

皇恩准將高郵南關車邏等壩封土三尺又於金灣壩  
下加挑新河分流暢洩下游州縣俾免西來水患  
惟是來源既杜而本地積潦之區亦當籌其去路  
乾隆二十六年五月內經前署督臣高晉調任撫  
臣陳宏謀凜遵籌辦下河之

聖訓與司道等審度形勢悉心討論請將泰州之丁溪

小海二閘引河疏濬深通順勢再開一引河匯入  
王家港歸海又將鹽城阜寧二縣境內之上岡草  
堰陳家沖三閘各引河疏濬深通順勢亦開一引  
河匯入射陽湖歸海俾積水可以早消等因會摺  
具

奏欽奉

硃批甚應行之事妥協辦理可也欽此欽遵隨經高晉  
陳宏謀轉飭淮揚河道等督同淮揚二府并分委

佐雜各員勘估議詳臣抵任後復查案行催茲據  
淮揚河道吳嗣爵等會同各司道等詳稱覆查此  
案工程專為開通閘下引河歸海起見自應先將  
閘下引河挑濬深通再為閘上引河之計現據覆  
估鹽城阜寧泰州三州縣境內通共估需銀八萬  
九千四百二十七兩七錢七分零其間工程多係  
裁灣取直順流歸海之道按照估冊確核無浮酌  
擬委派工員另詳飭辦所需前項銀兩應請於運

庫正款銀內動支給發并聲明上岡草堰二閘金門雁翅及兩牆石塊脫落之處俟挑河築壩時確估另詳造具估冊會詳請

題到臣伏查丁溪小海上岡草堰陳家冲等五閘引河自乾隆二十二年挑濬白駒青龍等閘引河時前項河道尚可通流是以列入緩工未及挑濬年來水漫沙停竟成平陸一經漲潦四面漫溢自應恪遵

硃批諭旨妥協辦理早為挑濬以仰副

聖主惠愛瀕海蒼黎之德意除已照例會同督臣尹繼  
善河臣高晉恭疏具

題估冊送部查核外惟查江南地方每屆春深即多  
雨水如俟部覆到日再行興工誠恐有稽時日應  
請酌動五分銀兩容臣與督河二臣遴委妥員分  
定段落檄令領銀備辦餘俟部覆到日再行給發  
臣於明年正月上旬自浙江查勘海塘回江即前

聞

赴淮揚二府工所督率指示以速要工奏入報

乾隆二十八年四月十七日工部奏言工科抄出  
兩江總督尹繼善等奏六塘河一切挑濬建築等  
工通共估需銀十八萬七千六百八十九兩零先  
後撥蘇松糧道庫貯漕項銀十九萬兩照估動用  
餘銀即留河庫一疏乾隆二十八年二月十七日  
奉

旨該部議奏欽此臣等覆查修築六塘河及挑濬尾閘  
各河一切建橋築壩等工先據該督等遵

旨勘議興修奏請酌撥蘇松糧道庫項銀兩解交河庫  
動給辦理經戶部覆准知照臣部今據該督將前  
項工程通共估需工料土方銀一十八萬七千六  
百八十九兩零造冊具題應如所題辦理仍行該  
督俟工完之日將做過工段用過銀兩照例核實  
造具清冊題銷至酌撥蘇松糧道庫銀十九萬兩

先據該督等奏請酌撥經戶部議覆應於漕項銀  
內先撥銀十萬兩解交河庫備用其餘銀兩俟工  
部核准後再於漕項內照數就近撥給今既據將  
工料估報工部核准應准其於蘇松糧道庫內再  
撥銀九萬兩解交河庫除給發前項工料外其餘  
剩銀二千三百十兩九錢零應令江南總河照數  
貯庫留為別項工程之用仍造入歲報庫貯冊內  
報部查核可也奏入

諭依議行

乾隆二十八年十月初七日河道總督李宏山東  
巡撫崔應階奏言竊臣等接准工部尚書阿爾泰  
吏部侍郎裘曰修咨開東省四女寺減河形勢最  
為得地而下游老黃河寬暢足資容納若將四女  
寺壩門大加展寬則東省多減一分直省便少受  
一分已於

行在

召見時口奏現在亟須辦理計湏再加寬二十丈或十五丈以外其口門以下亦須一律寬展接到老黃河為度臣等親赴恩縣四女寺地方會同查勘由壩口勘至歸入老黃河之處計長十四里壩口及壩下支河俱寬十二丈自上年奏明挑濬後現今一律深通臣等察看形勢查溯來源若將此處壩口及支河再為展寬實與直東兩省有益緣衛河發源於河南蘇門山之百門泉會合大丹小丹淇

湯洄等水至東省之南館陶復有豫省清濁二漳  
全流注入東北達於臨清歷程九百四十里沿途  
並無支河旁洩至臨清板閘又與汶水會合北流  
計二百四十里至恩縣之四女寺始有此減水壩  
洩水由支河入老黃河歸海臣等查昔年清濁二  
漳在直隸境內原有支河分洩由威縣寧津達天  
津入海並非全漳歸衛近年直隸沙莊地方挑築  
土壩攔截漳水分流之路是以全漳歸衛查衛河

以二十餘丈之河身受直豫東三省之水而河流  
又復紆迴曲折易漲難消遇伏秋雨水盛行各河  
會注衛河常至陡長丈餘盈堤拍岸東省州縣固  
有冲溢之虞直隸下游更有漲漫之患誠如部臣  
阿爾泰等所見東省多減一分直隸便少受一分  
也臣等詳加斟酌衛河正流面寬二十六丈今四  
女寺壩門及支河現寬十二丈若再展寬二十丈  
未免支河寬於正河恐致奪溜掛淤於漕渠有碍

雖德州之哨馬營支河現寬三十丈但查哨馬營壩口係在運河旁側瀉水而四女寺壩口係迎溜頂冲是以部臣阿爾泰等以為形勢最為得地兩處情形不同寬窄自當酌定臣等擬將四女寺壩門及壩下支河再行展寬十二丈共寬二十四丈已較舊時展寬加倍儘足以分洩盛漲所挑之土即於兩岸築成堤堰以資抵禦遇伏秋盛漲先由此處掣消則德州景州以北水既少而勢亦平實


與直東均有裨益至老黃河形勢雖屬寬大但河  
底一律平坦水難暢流是以歷年於河心挑濬子  
河一道現寬四五丈不等今支河既已展寬則老  
黃河中心子河亦應一律加寬方足暢其入海之  
路臣等謹將會勘情形恭摺

奏明如蒙

俞允臣等將壩口及支河土石各工樽節確估另行題  
報其老黃河下游應挑之處並咨直隸督臣轉飭

辦理奏入

諭如所議行



欽定南巡盛典卷四十二